

奉天通志

第一函四冊
大事金元



奉天通志卷八

大事八 金

金下

章宗明昌元年

宋紹熙元年

春正月始置府試場於遼陽

金史選舉志明昌元年正月府試舊六處中有地遠者命特添
三處上京咸平府路則試於遼陽

秋八月罷東京諸府鎮流泉務

金史本紀八月癸巳罷諸府鎮流泉務

冬十月賜貴德州孝子翟巽絹粟

金史本紀十月丙申詔賜貴德州孝子翟巽絹十疋粟二十石

是年東京咸平等路授刑使王寂按行部屬

遼東行部志明昌改元春二月十有二日丙申余以使事出按

部封僚吏送別於遼陽瑞鵲門是日宿瀋州丁酉次望平縣戊

戌次廣寧甲辰次閭陽新縣乙巳次同昌丙午次宜民縣戊申

次胡士虎寨

胡士虎漢語渾河也

己酉宿懿州丁巳宿靈山縣戊午解鞅

於慶雲縣己未達崇安縣辛酉次歸仁縣癸亥次柳河縣乙丑

次韓州己巳次胡底千戶寨庚午次南謀懶千戶寨辛未次松

瓦千戶寨壬申宿特撥合寨癸酉宿闡羅寨甲戌次叩畏千戶

營

叩畏漢語清河也

乙亥次和魯奪後千戶丙子次鼻里合土千戶營

鼻里合土漢語范河也

丁丑次咸平乙酉宿清安縣丙戌復歸咸平庚寅

宿銅山縣

以下

征咸平隱士王濬至京師授信州教授

中州樂府王賢佐一字玄佐名澹咸平人明昌初德行才能召
至京師命以官不拜朝廷重其人授信州教授未幾自免去

昌初一語
繫於是年

二年

宋紹熙二年

春正月東京官飯素於清安寺

王寂曲全子詩集序

松軒集

大定己酉閱再歲會以公集飯素於

大清安禪寺明昌改元之明年春正月中泚日

是年東京咸平等路投刑使王寂再按行部屬

鴨江行部志

海鹽朱氏所藏鈔本

二月己丑僚吏出錢望海門宿於靈岩

寺庚寅遊上方壬辰遊龍泉谷癸巳次澄州甲午發明秀亭戊
戌宿析木之法雲寺道山鷄山己亥宿湯池縣護國寺辛丑次
辰州甲辰次熊岳宿興教寺乙巳次龍門山雲峰院丙午遊北

名丁未次曷蘇館三月壬子行復州道中丙子自永康次順化
營丁巳次新市戊午宿龍岩己未發龍岩庚申赴大寧鎮以下

據朱氏考訂為
明昌二年事

三年

宋紹熙三年

春三月詔旌賜錦州孝子劉慶祐

金史本紀三月辛卯詔賜錦州孝子劉慶祐絹粟旌其門閭復
其身

夏四月置倉於遼東以通漕運

金史河渠志明昌三年四月尚書省奏遼東路米粟素饒宜航
海以達山東昨以按視東京近海之地自大務清口並咸平銅
善館皆可置倉貯粟以通漕運若山東河北荒歉即可運以相
濟制可

秋七月命山東河北飢民就食於遼東

金史本紀五月戊寅尚書省奏近於山東河北之饑已委宣差
所至安撫賑濟七月戊寅敕尚書省曰飢民如至遼東恐難遽
得食必有飢死者其令散糧官問其所欲居止給以文書命隨
處官長計口分散令富者出粟養之限以兩月其粟充秋稅之
數

四年

宋紹熙四年

春正月東京路副使王勝進鷹

金史本紀正月丙申東京路副使王勝進鷹遣諭之曰汝職非
徃民間利害官吏邪正略不具聞而乃以鷹進此豈汝所職也
後毋復爾

夏六月賜錦州齊文乙同進士出身

金史本紀六月癸丑賜有司所舉德行才能之士安州崔秉仁
兗州翟駒錦州齊文乙大名孫可久陳信仁應州董戮並同進
士出身

冬十二月冊長白山神為開天弘聖帝

金史本紀十二月甲寅冊長白山之神為開天弘聖帝

又禮志明昌四年十月

按應從本紀作十二月

倂袞冕玉冊儀物上御大

安殿用黃麾立仗八百人行仗五百人復冊為開天弘聖帝

是年廢曷蘇館都統司

金史地理志曷蘇館路嘗置都統司明昌四年廢

又地理志明昌四年罷曷蘇館建辰州遼海軍節度使

置秀岩縣

金史地理志蓋州秀岩縣本大寧鎮明昌四年陞

五年

宋紹熙五年

命遼東等路興蠶業

金史食貨志五年諭旨尚書省遼東等路女直漢兒百姓可並
令量力為蠶業

六年

宋慶元元年

冬十二月封醫巫閭山為廣寧王

金史本紀十二月乙亥詔加五鎮四瀆王爵

又禮志明昌間從沂山道士楊道全請封醫巫閭山為廣寧王

是年改辰州為蓋州

金史地理志蓋州奉國軍遼辰州明昌六年以與陳同音更取
蓋葛年為名

更來賓縣為宗安縣

金史地理志瑞州瑞安縣舊名來賓明昌六年更為宗安

承安元年

宋慶元二年

冬十一月契丹德壽陀鎖等叛據信州並寇韓

州

金史本紀十一月庚寅特滿群牧契丹陀鎖德壽反

又內族襄傳契丹德壽陀鎖等據信州叛偽建元曰身聖眾號
數十萬遠近震駭

又納坦謀嘉傳承安元年契丹陀鎖寇掠韓州信州授刑司問
諸書史誰入奏者皆難之謀嘉請行

起粘割幹特刺為東京留守

金史粘割幹特刺傳明昌二年跋仕承安初有事北方朝廷欲

得重臣任之乃起為東京留守

按有事北方即指陀鎖等叛據信州事

是冬咸平總管蒲察守純等討德壽等擒之

金史內族襄傳臨潢總管烏古論道遠咸平總管蒲察守純分道進討擒德壽等送京師

寧昌軍節度使瑤里字迭破六群牧叛人於懿州

金史瑤里字迭傳授鎮寧軍

廣寧府

節度使以六群牧人叛改寧

昌軍

懿州

字迭為都統領步騎萬次懿州敵數萬來逆戰兵勢甚

張字迭親臨陣奮力鏖擊邵之身中二創捷聞遷一官

二年

宋慶元三年

夏六月以澄州刺史王遵古為翰林直學士

金史本紀六月戊申以澄州刺史王遵古為翰林直學士仍勅
與撰述入直劄奏聞或霖雨免入直以遵古年老且富倚賴

讀也

秋九月遣官詣東京咸平等路招募漢軍

金史本紀九月壬寅遣官分詣上京東京北京咸平臨潢西京等招募漢軍不足則簽補之

冬十月許遠東路行小鈔

金史食貨志時交鈔所出數多民間咸賞例者聚於流轉詔以西北二京遠東路從宜給小鈔且許於官庫換錢與他路通行是年寧昌軍節度使瑤里字迭斂兀軍於錦懿二州

金史瑤里字迭傳承安二年兀軍千餘出沒剽掠錦懿間字迭追斂之復獲所掠志還本戶

徙東京留守粘割斡特剌為上京留守

金史粘割斡特剌傳明年

承安二年

改上京留守

以完顏承暉為咸平尹

金史承暉傳遷臨海軍

錦州

節度使

不詳何年

歷利涉遼海軍

蓋州

遷北

京提刑使歷知咸平臨潢府

據金方鎮年表繫於是年

三年

宗慶元四年

春正月併東京上京兩路提刑司為一提刑使副

金史本紀正月丁巳併上京東京兩路提刑司為一提刑使副

兼安撫使副安撫專掌教習武事毋令改其本俗

又百官志承安三年以上京東京等提刑司併為一提刑使兼

宣撫使勸農採訪事為官稱副使判官以兼宣撫副使判官為

名復改宣撫為安撫安撫使副內差一員於咸平一員於上京

分司

行限錢法於遼東等路

金史食貨志承安三年正月時交鈔稍滯命遼東等路一貫以上俱用銀鈔寶貨不許用錢一貫以下聽民便時既行限錢法人多不遵上曰已定條約不為不重其令御史臺及提刑司察之

冬十二月增遼東等地鹽價

金史食貨志承安三年十二月定山東寶坻滄州三鹽司價遼東舊法每石九百文增為一貫五百文遼東舊入十三萬一千五百七十二貫八百七十七文增為三十七萬六千九百七十七貫二百五十六文

徵遼東等路軍須錢

金史兵志承安三年以軍須所費甚大乞驗天下物力征軍須

錢驗各路新籍物力遠東路每貫征錢二貫

四年

宗慶元五年

夏四月改遠東京等路提刑司為按察司

金史本紀三月乙卯司空襄右丞匡參知政事揆請罷諸路提點刑獄從之夏四月癸亥改提刑司為按察使司

又百官志承安四年罷咸平分司使在上京副在東京承安四年改按察司

五年

宗慶元六年

以瑤里孛迭知廣寧府事俄遷崇義軍節度使

金史瑤里孛迭傳五年

承安

授知廣寧府事俄改東北路招討使

以捍邊有功賜詔褒諭三遷為崇義軍節度使

泰和元年

宗嘉泰元年

秋八月詔推排遠東等路人戶物力

金史本紀八月壬寅詔推排西北京遠東三路人戶物力

二年宋嘉泰二年春正月歸德軍節度副使韓琛以罪削官

金史本紀正月癸酉歸德軍州節度副使韓琛以強市民布帛

削一官罷之

冬十二月丁卯遣使報謝於長白山本紀

四年宋嘉泰四年春三月遼陽府判官斜卯剌家以上書得罪削官

金史本紀三月壬辰遼陽府判官斜卯剌家以上書論列朝臣

削官一階罷之

夏五月平章政事徒單鎰罷知咸平府事

金史本紀五月癸酉平章政事徒單鎰罷

又徒單鎰傳泰和四年罷知咸平府

是年廢秀岩縣